



Bahau asal dari Arkib  
Negara Malaysia

● DATUK Seri Dr Mahathir sedang menyampaikan ucapannya di majlis tersebut. — Gambar Berita Harian.

# Kerajaan tidak berniat untuk miliknegerakan industri — Dr M

**KUALA LUMPUR, Selasa** — Perdana Menteri Datuk Seri Dr Mahathir Mohamad berkata, Malaysia tidak berniat untuk miliknegerakan mana-mana industri dalam negeri walaupun industri itu berasaskan bahan-bahan yang terdapat di sini.

Kita berpendapat adalah adil serta lojik bagi warganegara kita menguasai sesuatu perusahaan yang berpunca dari negara ini melalui pengambilan alih kuasa itu dengan cara-cara yang sah di pasaran terbuka," katanya ketika merasmikan Peratuan Peladang Getah atau Rubber Growers Association R.G.A (Malaysia) Berhad di sini hari ini.

Menurutnya, sejak merdeka proses pengambilan alih ini berjalan dengan secara perlahan-lahan dan bukannya satu perebutan terhadap perusahaan yang berpunca dari negara ini.

## Terbuka

Datuk Seri Dr Mahathir berkata, satu ketika dulu terdapat perasaan tidak senang hati di kalangan tertentu apabila Malaysia berjaya mengambil alih satu perusahaan yang berpunca dari negara ini.

Sedangkan pengambilan alih itu dilakukan dengan cara yang sah iaitu dengan membeli saham-saham industri itu di pasaran terbuka, katanya.

Hak bagi kita untuk membeli saham-saham itu di pasaran terbuka adalah sesuatu yang cukup adil dan sekiranya hak ini juga hendak disekat maka itu adalah sesuatu yang tidak adil, katanya.

Menurut Perdana Menteri, cara yang kita jalankan itu sepatutnya dialu-alukan tetapi sebaliknya masih ada yang tidak senang dengan tindakan seperti itu.

"Biasanya jika tindakan miliknegerakan sesuatu industri itu dilakukan maka negara itu akan dikecam, tetapi dengan tindakan kita yang bukannya satu perebutan pun masih ada lagi yang tidak puas hati," kata Datuk Seri Dr Mahathir.

Bellau berharap RGA (Malaysia) Berhad yang mengambil alih tugas-tugas dari RGA Limited yang ditubuhkan di London pada tahun 1907 itu, tidak pula dianggap sebagai satu proses miliknegeraan.

Bagaimanapun bellau menasihatkan agar hubungan baik yang sedia ada antara peladang getah di negara ini dengan pihak pelabur asing di negara mula tertubuhnya RGA akan diteruskan untuk mengekalkan hubungan sejarah yang ada.

Dengan bergeraknya RGA dari negara ini sebagai pengeluar getah utama, diharapkan negara-negara lain yang mempunyai tanaman yang serupa akan lebih yakin terhadap industri itu terutama dari segi pengurusan, katanya.

RGA adalah sebuah peratuan peladang-peladang getah yang mulanya ditubuhkan di London tetapi kini ditubuh dan dilancarkan semula di Malaysia dengan sebahagian besar dari pangsunya adalah tokoh-tokoh perladangan di negara ini.

Pengerusi pertama RGA (M) Bhd ialah Datuk Haji Basir Haji Ismail, yang juga menjadi Pengerusi Fima.